



◎ 憶往事看神能 ◎

萬軍之主徵召兵(下)

三、天國徵兵，上帝呼召我

(一) 文池非文海

由母腹出生時，我身體瘦長，一看就知影chit-ê gin-á m̄是強壯ê將才，mā m̄是肥胖ê經理型人物。Ê-sái講是「天下父母心」lóng是全款，無父母無希望in ê子女成器è。

家父想：「án-ne瘦弱ê gin-á，不可能tī『武』ê方面有所成就，只好希望伊tī『文』ê方面有點á 出息。」因此就將我命名為「文池」，m̄ 敢奢望我成做「文洋」或「學海」。我究竟會成做什麼款neh? 當然上帝早有伊ê安排。

當我二歲時，患tiòh肺部積膿症，生命十分危急。先父迫切祈禱，對主下願講：「主阿！嬰兒若得tiòh你ê 醫治，我願將伊奉獻hō你，來償還家已逃兵ê 罪債，阿們！」果然，我由死裡逃生了。

(二) 神學院ê 異象

十二年了後，我teh要小學畢業。但時間沖淡了先父向主立誓ê 記憶。實際上，當時家父因本業賣藥以外，koh開採煤礦失敗，家境十分困難，那內底有財力hō 我讀中學，kō h 再進神學院neh? !

小學六年ê 同學，家境比較寬裕，大家lóng tī無閒升學補習。Á我neh? 升學ê 事，我想mā m̄敢去想伊！

「人是辦未到è，但tī上帝，萬事lóng可能。」(馬太福音十九：26)

十三歲時，我患tiòh慢性大腸炎。六十年前，無抗生素、消炎劑等良藥時代，我雖然去過台北市各大病院kap私設中西名醫處求診，卻無收tiòh效果。後來聖神指示我：ài到淡水身軀chiah會好。所以小學畢業三年了後，chiah 以轉地療養兼升學ê 理由要求家父hō 我投考淡水中學。伊因愛子心切，一嘴就答應了。我mā歡喜kah bê講得，即時開始惡性補習，準備應考，等待考試ê 大日子。

入學考試hit一工早起，tī往淡水中學ê 紅磚路上，無意中檢到了一張台北神學校(現為台灣神學院)相片。這張相片是新建tī 雙連ê 二層紅磚建物，巍然宏大，上方兩pèng印有偕叡理博士kap吳威廉牧師ê 遺照。我看了十分欣羨，夢想tiòh：「假使我以後ê-tàng進入chit間學校該有jōa好ah！」

了後來chiah明白，這是tùi天起來ê 異象。這是上主為我安排，將來b e h去ê 學校。(使徒行傳二十六：19)

(三) 主為我開門

身軀已經康復了，一年ê 功課mā讀完了。Ê-sái講是清寒ê 家境無容允我繼續學業，這是我家己siōng明白ê 事。

但是我對讀冊真有興趣，成績mā bê-bái，因此無願意半途á 廢。全校同學期考完了以後，每個人lóng收拾家己ê 行李，歡歡喜喜地趕tíng去家己ê 家鄉去了。只有我一個人，內心悶悶不樂，獨自在校園慢步，或tī樹蔭下胡思亂想，無願意kap大家同行，mā m̄知影如何是好? 忽然，聖經一句話，浮現在我腦海中。主耶穌m̄是明明白白對我講過mah:

「lín祈求，就得tí ò h；Ch hō e，就ch hōe-tiòh；敲門，就hō lín開門。因為凡祈求è，就得tiòh；Ch hō e，就ch hōe-tiòh；敲門è，門就開了。」(馬太福音七：7-8)

我koh掀開聖經來看，一句lóng 無錯。我就馬上向上主祈禱，熱切è 祈求。鼓起內心全部ê 勇氣，身上一切ê 膽量，快步直向偕叡廉校長ê 厝，是我以前m̄-bat，mā m̄敢入去ê 洋樓，照主ê 話：大膽地：卻輕輕á，敲門！

Chit時，厝內外真恬靜，顛倒是我ê 心臟怦怦è 跳。我驚見校長，m̄是因爲伊有英國紳士型嚴肅態度，卻是初次面對高高在上ê 校長講話，難免產生「敬á遠之」ê 心理。Kō h驚萬一校長無tī-teh家，我就bōe-sái向伊講苦、求援，那就慘loh。

經過幾分了後，門內kah-ná有腳步聲響起。門果然為我開了，出來è m̄是傭人，卻是校長本人。伊面容慈祥，聲音溫柔è 問我：「你有什麼tāi-chi mah?」


「將來我想beh為主工作。您kám-è-tàng hō 我做工讀生，hō我繼續學業。因為我ê 家庭經濟實在困難：父母無法度koh再hō 我錢讀冊。」我講完了話，m̄ 知影什麼原因，目屎一直流個無停。校長問我ê 姓名kap年級了後，就tíng來到厝內，thèh出一張一年級全部學生ê 成績表出來，tī門外ch hōe出我ê 名字來。

校長講「你ê 分數bē-bái，全班名列第二，真好。」停一下，伊kō h 再問：「你爸爸叫什麼名字?」

我ê 爸爸叫姚清溪，我回答。校長感覺驚奇，就講：「伊是m̄是真久ch in前bat來過淡水理學堂讀神學?」

「無m̄-tiòh。校長」我講。三十年前ê 事。校長iáu è-tàng記得清清楚楚，伊ê 記憶力實在驚人！校長繼續講：「你ê 爸爸是以前阮爸爸ê 學生，我會記得，我會記得。請伊明á 載來，我boeh看看伊。你也thang安心，我會設法，hō 你繼續讀下去。」

果然學校hō我一份工作，而且學費k a p伙食費全免，直到我完成中學課程。就是án-ne。全能、信實ê 主，聽我ê 祈福，hō 一個貧童k a p當時富有ê 子弟全款ê-tàng讀完中學。你講奇妙不奇妙！ (待續)



胡文池

1996年
「中華民國」統治五十二年來
台灣，第一遍全民直選總統
這是chê-chê民主改革者
tī國會議場kap獨裁政權ê 手尾陣盤反
koh tī體制外抗爭，流血流汗ê 成果

ia koh是獨裁政權ê 中華人民共和國
soah想講用飛彈，欲改變台灣人ê 民主意志

(Hit年，阮某搯一團腹肚
kap腹肚內ê gin-á，投落莊嚴è一票
阮因，mā tī chit年è 5月15出世)

2000年3月18
統治台灣五十六年ê 國民黨落台
bat hō國民黨政權tiah去關ê 陳水扁kap呂秀蓮

國民黨政權chiah 來台灣接管è 時
tī 1946年4月初2 tiòh成立
「台灣省國語推行委員會」
全款ê 外來政權，全款ê 壓霸
全款是推展「國語運動」
日本殖民政權時代是「日本語」
國民黨政權時代是「北京語」
——lóng 是「外來語」

自1951年7月命令
學校以國語(北京語)教學
tī 學校講序大人講ê 母語——
福佬話，客家話，原住民語
tiòh ài 罰錢掛狗牌仔
布袋戲bat ù 福佬話講到變北京語

(Hit年，我tī TNT電台上台語課
mā 決心改寫台語文

有語言，chiah 有文字
有文字，chiah è-tàng 傳承、粒積
先民ê 思想kap智慧
台灣文化beh復興
ài ùi 「母語文字化」起行)

1999年李登輝總統表示
台灣kap中國是「特殊國kap國關係」

2002年陳水扁總統表示
台灣kap中國是「一pèng一國」

(Hō國民黨教育è 大中國思想室tiâu--leh
hō國民黨政權手尾ê 傳播媒體單tiâu--leh
台灣人對台灣kap 中國ê 關係
到ta"，ia koh hut bê 清
台灣，是屬中國
iah是，家己一國 (待續)

郭文玄

台灣精神——台灣人民抗爭史

煞鼓詩：誰，teh 寫歷史

代表民進黨，當選台灣第二任民選è 正副總統

ù 228，清鄉，白色恐怖ê 獨裁統治
ù 做票，買票，黑金勾結è 垃圾步
ù 學校教育ê 思想控制
ù 傳播媒體ê 資訊壟斷
chiah hō 不義ê 國民黨食死死
è-tàng踏tī 台灣人ê 頭殼頂五十幾年

(Hit年，千禧年
為tiòh嬉弄逐家leh siáu 「千禧年第一道曙光」
歌十一年è 筆，koh giáh起來

政黨tiòh輪替矣
獨立自主ê 台灣意識koh ia bê 精神
獨立自主ê 台灣史觀koh ia bê 見光明
獨立自主ê 本土文化koh leh 沫沫siù

一giáh筆，soah bê-soah
「台灣」，hō 我靈感
「台灣精神」，hō 我è 筆精神)

2001年
為著小學ê 鄉土母語教育
教育部委託地方政府，舉辦
外聘ê 母語師資鑑定考試



Khia tī 最後一排
中間無戴帽è 是作者

母語作家
母語作家

／田岡良

喙舌 bat hō 人電 kah 捲 lian
頭殼 bat 用墨浸 kah 出 hiàn
In è 母語走反去火星 thng 淚
作家為 beh 書寫生份 è 母語
無 ta-ōa 取翻譯來變步

序大人聽著耳空 khê-khê
母語作家無時間斟酌派詞 ca'-
tiah
In 規心注神佈局倚三面壁

火星語 è 風格
Che 是母語文學 è 所長 (tiòng)
比論視覺詩 è sú tiòh 透過目睷
Sian m̄-thang 要求朗讀佳作
書字 kap 句 giáh 刀對戕
Khin-khin khiang-khiang
不接——è
是現代 iah 後現代 è m̄ 聲?

聽講
西班牙作家攏代先用法語書寫
Chiah ká chit-kóa 語詞用西班牙語
替換
Ho-lan 作家 tiòh 用德語思考
了後揀寫字詞換做 Ho-lan 語就好
moitié-moitié
就 tī 網路發表
用紙本出版
個個 (gê-gê) 攏是母語作家!

歹心毒行 你
萬不一無張持
作家 è 喙舌絞斷
Kan-ta" 賭手 kap 目睷
火星語 inn-inn oonn-oonn
時到 beh 問就無路
你 m̄ tiòh 判刑關監
罪名：
損蕩外星語言!!!

母語作家 è 作品有語法 è 特色



王康陸博士紀念基金會

王康陸博士終生獻身於台灣獨立建國運動，他主張以愛與非暴力的原則來抗爭強權。他旅居美國27年，一直默默為保障台灣人的基本人權及致力於獨立建國運動而奮鬥。1991年10月 台灣獨立建國聯盟遷台，王康陸放棄在美的一切，闖關回台，於台灣本部盟員大會中現身，被國民黨出動大批警力逮捕，並以非法入境及叛亂罪起訴關在土城看守所七個月。出獄後他全心全力在台獨聯盟總部工作，擔任秘書長，積極推展台灣獨立建國運動。1993年10月12日王康陸在文化大學演講後，於歸途中在情治單位監控下，以離奇車禍而被謀害，享年僅52歲。

王康陸博士去世後，家人及親友決定設立王康陸紀念基金會，以繼續他的理念。基金會於1994年4月成立，主要以參與及協辦各項提高台灣人權，提昇台灣國際地位及宣揚台灣獨立理念之活動，1995年開始與全美人權協會合辦設立王康陸人權獎，每年頒獎給對提高台灣人權有貢獻的工作者。

王康陸博士紀念基金會在台灣王康陸的母校中興大學頒發六名獎學金，鼓勵台灣學子關心及參與維護台灣主權之各種活動，也於美東夏令會每兩年贊助舉辦紀念音樂會與鄉親共享。今後基金會仍將繼續與全體台灣人民共同為推動獨立建國運動而努力。

王康陸博士紀念基金會會址: POBox 6165 Long Island City, NY 11106 Tel: 718-939-1525
台灣辦事處地址: 100台北市杭州南路一段27號2樓 Tel: (02)2357-6656